



Concilia Provincialia Mediolanensis Sex

Borromeo, Carlo

Venetiis, 1602

Constitutio qua Regulares quicumque iubentur obseruare in Concilio primo
Prouinciali Mediolan. confecta ad honestatem, decorum, reuerentiam &
ornamenta Eccl. &c.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

Papa IIII. prædecessoris huiusmodi in fauorem Curialium dictæ sedis edita, alijsque constitutionibus, & ordinationibus Apostolicis, necnon ecclesiarum & locorum prædictorum iuramento, confirmatione Apostolica, vel quavis firmitate alia roboratis, statutis, consuetudinibus, priuilegijs quoque, indultis, & litteris Apostolicis illis, eorumque Prelatis, Capitulis, Superioribus, & personis alijsque præmissis sub quibuscumque tenoribus, & formis, ac cum quibusuis etiam derogatorijs derogatorijs, alijsque efficacioribus & insolitis clausulis irritantibusque & alijs dectetis etiam iteratis vicibus, etiam per nos quomodolibet concessis, approbatis, & innouatis. Quibus omnibus etiam si pro illorum sufficienti derogatione, de illis, eorumque totis tenoribus specialis, specifica, expressa & indiuidua, ac de verbo ad verbum, non autem per clausulas generales, idem importantes, mentio, seu quæuis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum, nihil penitus omisso, & forma in illis tradita obseruata, inserti forent, præsentibus pro sufficienter expressis habentes, illis alijs in suo robore permanens, hac vice dumtaxat specialiter & expressè derogamus, cæterisque contrarijs quibuscumque. Dat. Romæ apud Sanctum Petrum sub annulo Piscatoris die vi. Iunij. M. D. LXVI. Pontificatus nostri Anno Primo.

Cę. Glorierius.

Constitutio qua Regulares quicumque iubentur obseruare in Concilio primo Prouinciali Mediolan. confecta ad honestatem, decorum, reuerentiam & ornamenta Eccl. &c.

P IV S Papa V. ad perpetuam rei memoriam.



Nter omnes Apostolicæ seruitutis, nobis iniunctæ, sollicitudines, quæ mentem nostrâ incessanter exercent, illa frequentior occurrit, vt ordinationes, & statuta, quæ tam in Generalibus, quam Prouincialibus Synodis, circa iam dudum labascentis, & pene conuulsæ disciplinæ Ecclesiasticæ restitutione prudenter edita fuisse cognoscimus, ab omnibus ipsius Ecclesiæ ministris obedienter recipi, & indifferenter obseruari procuramus.

remus. Cum itaque, sicut accepimus, nuper in provinciali Synodo Mediolanensi, Dilecto filio nostro, CAROLO tit. sanctæ Præcedis Presbytero Cardinali Borromeo nuncupato, qui etiam Ecclesiæ Mediolanensi ex concessione & dispensatione Apostolica præfesse dignoscitur, illi præsidente, quam plurima saluberrima statuta, & decreta, ad honestatem, decorum, reuerentiam, ornamenta ecclesiarum, nec non locum, tempus, modum, aliasque circumstantias in ecclesiasticorum sacramentorum administratione, missarumque celebratione, obseruanda, ac sepulturas, funeralia, processiones, verbi Dei conciones, seu prædicationes, representationes, & picturarum decentias, archidia, & alia ad scripturarum, iurium, & aliorum bonorum ecclesiasticorum conseruationem pertinentia, non minus religiosè, quam sapienter ordinata fuerint; quæ cum non solum licita & honesta, sed etiam Ecclesiæ Dei plurimum utilia; & apprimè laudabilia existant, ab omnibus Dei Ministris, tam Regularibus, quam Sæcularibus, equaliter expedit obseruari. Hinc est, quod nos totos statutorum, & decretorum prædictorum, documentorumque desuper confectorum, & inde secutorum tenores, de quibus plenam, & distinctam informationem, à præfato CAROLO Cardinali oretenus nobis factam, accepimus, præsentibus pro sufficienter expressis habentes; ac omnia & singula statuta, ordinationes, & decreta supradicta, in Prouinciali Synodo Mediolanensi, vt præfertur, edita & publicata, ac, prout illa concernunt, prædicta in dictis documentis contenta, in Mediolanensi ciuitatis, diocesis, & totius Prouinciæ omnibus & singulis regularium personarum vtriusque sexus ecclesijs, Monasterijs, Domibus quorumcumque, etiam Cisterciensium, & Humiliatorum ordinum, & alijs Regularibus locis, etiam nobis, Apostolicæ sedi immediatè subiectis, etiam nullius diocesis, in vniuersa Prouincia prædicta constitutis, ac per quoscumque Ecclesiarum, Monasteriorum, Domorum, & aliorum Regularium locorum huiusmodi Superiores, etiam generales, ac illorum vtriusque sexus personas districtè obseruari volentes: Motu proprio & ex certa nostra scientia, eidem CAROLO Cardinali per præsentem committimus & mandamus, quatenus omnes & singulos dictarum Ecclesiarum, Monasteriorum, Domorum, & Regularium locorum Superiores, etiam generales, & personas regulares, etiam exemptas vtriusque sexus, vt infra sex menses post presentium publicationem, omnibus & singulis statutis, ordinationibus, & decretis prædictis realiter & cum effectu parere debeant, auctoritate nostra, moneat, & requirat: Et si ipsi sic moniti, vt præfertur, parere in omnibus uel in aliquibus distulerint, vel neglexerint, dictus CAROLVS Cardinalis, post lapsum dictorum terminum, nobis quamprimum significare & referri curet, vt oportet.

num desuper remedium, prout nostro incumbit officio, in his quatuor citius adhibere valeamus. Non obstantibus exemptionibus & immunitatibus, alijsque præmissis, & Apostolicis Constitutionibus, & Ordinationibus, necnon Ecclesiarum, Locorum, Monasteriorum, Domorum, eorumdem Superiorum, & ordinum prædictorum, etiam iuramento, confirmatione Apostolica, vel quavis firmitate alia roboratis, statutis, & consuetudinibus, priuilegijs quoque, indultis, & litteris Apostolicis illis, eorumque Ordinibus, Prælati, Superioribus etiam Generalibus, Conuentis, & personis, alijsque præmissis, sub quibuscumque tenoribus & formis, ac cum quibusuis etiam derogatorijs derogatorijs, alijsque efficacioribus, & insolitis clausulis, irritantibusque, & alijs decretis, etiam iteratis vicibus, etiam per nos quomodolibet concessis, approbatis, & innouatis. Quibus omnibus etiam si pro sufficienti eorum derogatione, de illis eorumque totis tenoribus specialis, specifica, expressa, & indiuidua, non autem per clausulas generales, idem importantes, mentio, seu quavis alia expressio habenda, aut aliqua alia exquisita forma ad hoc seruanda foret, tenores huiusmodi, ac si de verbo ad verbum, nihil penitus omisso, & forma in illis tradita, obseruata, inserti forent, præsentibus pro sufficienter expressis, & insertis habentes, illis aliàs in suo robore permansuris, hac vice dumtaxat specialiter, & expressè derogamus, cæterisque contrarijs quibuscumque. Dat. Romæ apud Sanctum Petrum sub Annulo Piscatoris, Die XXVII. Iunij M D L XVI. Pontificatus nostri anno primo.

Cę. Glorierius.

NOS CAROLVS BORRHOMÆVS, Miseratione diuina, S. R. E. tit. Sanctæ Prædix, Presbyter Cardinalis, Archiepiscopus Mediolanensis, ex mandato, quod à Sanctissimo D. N. P I O Papa Quinto suis his supra proximis litteris, die XXVII. Iunij datis, habuimus, Apostolica eius auctoritate, omnes & singulos Monasteriorum, & Regularium, quæ Mediolani, & in nostra Diocesi, ac Prouincia sunt, locorum Superiores, etiam Generales, & personas Regulares, etiam exemptas, vtriusque sexus, requirimus, ac semel, iterum, tertio, trinaque hac monitione præmissa, monemus, ut quæcumque constitutiones, & decreta, hac Prouinciali Synodo à nobis cōfecta, illis litteris expressa continentur, ijs ad sex menses, postquā in lucē edita sunt, re ipsa omnino obtēperent: quod si qui ex ijs facere neglexerint, vel distulerint; eos omnes & singulos monitos esse volumus, cōfecto illo sex mensium spatio, nos, quemadmodum mandatū est, id Sanctissimo D. N. quā primum significandum, ac referēdum curaturos, vt eius Sāctitas pro summo suo pastorali officio, & ea singulari, qua tenet

restit-

restituendę iam dudum labascentis ecclesiasticę disciplinę cura, ac sollicitudine, opportunum huic rei remedium, ea qua solet uigilantia, adhibeat. Datum ex nostris Archiepiscopalibus ędibus, die septimo Septembris. M.D.LXVI.

BREVE S. D. N. D. Pij Diuina prouidentia Papę V. Super reuocatione licentiarum ingrediendi Monasteria, ac Domos Carthusiensium, & aliorum quorumcumq; Regularium ordinum, etiam Mendicantium, quibusuis Mulieribus concessarum.

PIVS Papa V. ad perpetuam rei memoriam.



Regularium personarum, quę relicto sæculo, Dei se obsequio dedicarunt, pro commisso nobis officio, quieti consulere cupientes, ad ea remouenda, quę religiosum earum propositum impedire possunt, curam nostram libenter intendimus, ut nulla re, quę eas à Diuino cultu auocet, prædita, secundum ordinum suorum regularia instituta, & decretum sacri Tridentini Concilij, tranquillis mentibus gratū altissimo impendere possint famulatum. Quia igitur, & Carthusiensium ordinis, & aliorum regularem vitam professorum quies non parum solet, sicut accepimus, perturbari: propterea quod mulieres, modestię matronalis oblitę, Domos, ac Monasteria eorum, contra ipsorum instituta, prætextu confessionalium, aut aliarum literarum Apostolicarum ingredi audeant, ipsis etiam Abbatibus, Præpositis, Prioribus, & alijs Præsentibus aliquando recusantibus, & renitentibus, non sine magna eorum molestia, nec sine graui laicorum etiam offensione, ac scandalo, si quando admitti nimis facillè videantur: huic rei prouidere uolentes, Motu proprio, & ex certa scientia, ac de Apostolicę potestatis plenitudine, omnes, & singulas facultates, ac licentias ingrediendi Monasteria ac Domos Carthusien. & aliorum quorumcumque regularium ordinum, etiam Mendicantium, mulieribus, cuiuscumque status, gradus, ordinis, conditionis, & quacumque dignitate, ac præeminentia præditis, etiam Comitissis, Marchionissis, Ducissis, sub quibuscumque uerborum tenoribus, & formis, & cum quibuscumque etiam derogatorijs, alijsque fortioribus, efficacioribus, & inlitis clausulis: Necnon irritantibus decretis ab Apostolica Sede quomodolibet